

U skladu sa odredbama članova 10. i 12. Zakona o udruženjima i fondacijama Republike Srpske (“Službeni glasnik RS”, br. 52/2001 i 42/2005) na osnivačkoj skupštini održanoj dana 30.12.2016. godine, u Doboju usvojen je

## **STATUT UDRUŽENJA „ALUMNI KLUB VPTŠ DOBOJ“**

### **Opšte odredbe**

#### **Član 1.**

Udruženje građana „**Alumni klub VPTŠ Doboj**“ je nestranačko, nevladino, neprofitno i dobrovoljno udruženje bivših studenata koji su završili studij na VPTŠ Doboj. VPTŠ Doboj želi uspostaviti trajnu vezu sa svojim bivšim studentima i informisati ih o razvojnim planovima i programima te uključiti sve one koji žele pomoći daljnjem razvoju VPTŠ Doboj. Svrha ovog kluba je povezivanje svih generacija studenata radi ostvarivanja njihove trajne i uzajamne zajedničke koristi i saradnje.

#### **Član 2.**

Ovim Statutom reguliše se:

1. Naziv i sjedište Alumni kluba VPTŠ Doboj,
2. Ciljevi Alumni kluba,
3. Djelatnost
4. Područje djelovanja
5. Prijem i isključenje članova
6. Prava i obaveze članova
7. Organi Alumni kluba
8. Sredstva za rad
9. Pečat i znak
10. Zastupanje i predstavljanje
11. Izvještavanje i javnost rada
12. Uslovi i postupak za spajanja, razdvajanja i transformacije
13. Prestanak rada
14. Opšti akti i izmjene i dopune statuta
15. Prelazne i završne odredbe

## **Naziv i sjedište**

### **Član 3.**

Naziv udruženja je: „**Alumni klub VPTŠ Doboj**“.

Udruženje ima sjedište u Doboju, Ozrenskih srpskih brigada 5A.

Skraćeni naziv udruženja je: AK VPTŠ .

## **Ciljevi**

### **Član 4.**

**Ciljevi Alumni klub VPTŠ Doboj su:**

1. uspostavljanje i održavanje trajne veze između VPTŠ Doboj i njenih studenata nakon završetka studija,
2. povezivanje svih bivših studenata VPTŠ Doboj u Alumni klub VPTŠ Doboj kako bi se omogućila njihova međusobna saradnja
3. unapređenje rada VPTŠ Doboj kao obrazovne i naučno-istraživačke institucije u smislu posjedovanja adekvatnih i blagovremenih informacija koje mogu obezbjediti članovi Alumni kluba
4. razvijanje saradnje VPTŠ Doboj sa preduzećima i institucijama u kojima su angažovani bivši studenti
5. motivacija i unapređenje članova Alumni kluba u kontekstu poticanja stručnih i naučno-istraživačkih aktivnosti
6. učešće u međunarodnoj naučnoj i stručnoj razmjeni i uspostavljanje relacija sa Alumni asocijacijama i klubovima iz regiona i šire
7. afirmacija mjesta i uloge VPTŠ Doboj u razvoju društva
8. zaštita interesa VPTŠ Doboj prema kodeksu i pravilima struke
9. širenje znanja u širu javnost
10. cjeloživotno obrazovanje kroz saradnju s obrazovnim, kulturnim, stručnim i naučnim institucijama.

## **Djelatnost**

### **Član 5.**

**Djelatnosti putem kojih će Alumni klub ostvarivati ciljeve svog osnivanja su:**

- a) svim članovima omogućiti on-line registraciju (putem prilagođene web stranice), brz i efikasan pristup informacijama i uspostavljanje međusobnih kontakata
- b) organizacija okruglih stolova, seminara i konferencija koje će tretirati aktuelna ekonomska, tehnička, bezbjednosna i druga društvena pitanja

- c) organizovanje programa obuke i treninga za članove Alumni kluba u kontekstu bolje informisanosti o dostupnim informacionim tehnikama i paketima, te kvantitativnim metodama koje im mogu olakšati i značajno unaprijediti rad i razvoj u okviru naučno-istraživačkih aktivnosti
- d) organizovanje susreta članova Alumni kluba sa studentima, kako bi im prenijeli svoje praktično znanje i iskustvo
- e) organizovanje susreta članova Alumni kluba (npr. godišnje proslave i obilježavanje važnih datuma za Asocijaciju i VPTŠ Doboj i sl.)
- f) saradnja sa drugim Alumni asocijacijama, Alumni klubovima i udruženjima vezanim za djelatnost Alumni kluba u zemlji i šire.
- g) pružanje podrške članovima Alumni kluba da unapređuju poslovanje preduzeća i institucija u kojima rade, kroz obrazovne i istraživačke inicijative.
- h) formiranje alumni centra za praćenje karijere, kako bi članovi Alumni kluba imali, kroz međusobnu saradnju, pristup informacijama o mogućnosti daljeg usavršavanja i priliku za konkurisanje na pozicije koje bolje odgovaraju njihovim mogućnostima i kvalifikacijama
- i) osmišljavanje programa putovanja u smislu stručnih usavršavanja članova Alumni kluba
- j) obezbjeđenje posebnih privilegija u pogledu pristupa biblioteci, mogućnosti pretraživanja baza podataka (naučnih i istraživačkih informacija), online kataloge, bibliografije itd.
- k) obezbjediti finansijska sredstva (posebne pogodnosti) za nastavak školovanja i druge obrazovne aktivnosti članovima Alumni kluba.

Koncept trajnog obrazovanja nalazi svoju prirodnu pretpostavku u neprekinutim vezama institucije i diplomiranih studenata, a studenti stižu mogućnost lakšeg i bržeg ostvarivanja profesionalnih potreba i interesa.

## **Područje djelovanja**

### **Član 6.**

Udruženje svoju djelatnost vrši na području Bosne i Hercegovine.

## **Prijem i isključenje članova**

### **Član 7.**

Redovnim članom Alumni kluba VPTŠ Doboj mogu postati svi oni koji su diplomirali na VPTŠ Doboj. Redovnim članom može se postati dobrovoljno potpisivanjem pristupnice ili registracijom on-line, čime se prihvataju ciljevi, prava i obaveze utvrđene Statutom i odlukama Alumni kluba.

Odluku o primanju u redovno članstvo donosi Upravni odbor na bazi pristupnice, molbe ili pismenog zahtjeva osobe koja želi postati član.

Pristup (članstvo) Klubu je besplatno.

### **Član 8.**

Počasnim članom može postati fizičko lice koje je svojim radom i zalaganjem posebno doprinijelo razvoju i ugledu Alumni kluba VPTŠ Doboj. Odluku o proglašenju počasnog člana donosi Skupština Alumni kluba VPTŠ Doboj na prijedlog Upravnog odbora.

### **Član 9.**

Član Alumni kluba VPTŠ Doboj ima pravo:

- ravnopravno sa drugim članovima učestvuje u ostvarivanju ciljeva Alumni kluba VPTŠ Doboj;
- neposredno učestvuje u odlučivanju na skupštini, kao i preko organa Alumni kluba
- birati i biti biran u sva tijela Alumni kluba VPTŠ Doboj
- davati prijedloge i mišljenja o radu Alumni kluba
- pokretati inicijative za rad Alumni kluba
- biti obaviješten o radu Alumni kluba i njegovih tijela
- predlagati nove, počasne članove Alumni kluba VPTŠ Doboj.

### **Član 10.**

Član Alumni kluba VPTŠ Doboj dužan je:

- ostvarivati ciljeve i zadatke Alumni kluba VPTŠ Doboj
- pridržavati se odredaba Statuta
- sprovoditi odluke i zaključke tijela Alumni kluba
- promovirati rad Alumni kluba VPTŠ Doboj
- obavljati druge poslove koje mu povjeri upravni odbor u vezi sa ostvarivanjem statutarnih ciljeva Alumni kluba.

### **Član 11.**

Alumni klub VPTŠ Doboj može davati priznanja i pohvale svojim članovima, pojedincima i pravnim licima za naročitu aktivnost i poseban doprinos u radu Alumni kluba.

Skupština može na prijedlog Upravnog odbora dodijeliti priznanja pojedinim pravnim i fizičkim licima za izuzetan doprinos u ostvarivanju ciljeva i zadataka Alumni kluba VPTŠ Doboj.

član može dobrovoljno istupiti iz članstva davanjem pismene izjave o istupanju.

Članstvo u udruženju prestaje dužom neaktivnošću člana, za koju ne postoji opravdan razlog ili težim kršenjem statuta Alumni kluba VPTŠ Doboj.

Odluku o prestanku članstva donosi skupština, na prijedlog upravnog odbora i nakon što pruži mogućnost članu da da svoju izjavu.

## **Organi Alumni kluba VPTŠ Doboj**

### **Član 12.**

Organi Alumni kluba VPTŠ Doboj su skupština i upravni odbor.

## **Skupština**

### **Član 13.**

Skupštinu Alumni kluba VPTŠ Doboj čine svi njegovi članovi.

Skupština se redovno sastaje jednom godišnje.

Vanredna sjednica skupštine može se zakazati na obrazloženi prijedlog upravnog odbora, kao i na pismenu inicijativu najmanje jedne trećine članstva.

### **Član 14.**

Skupština Alumni kluba VPTŠ Doboj ima nadležnost da:

- donosi plan i program rada;
- usvaja statut, kao i izmjene i dopune statuta;
- razmatra i usvaja, najmanje jednom godišnje, izvještaj o radu upravnog odbora;
- razmatra i usvaja finansijski plan i finansijski izveštaj o radu Alumni kluba;
- bira i razrješava članove upravnog odbora;
- proglašava počasne članove;
- odlučuje o raspodijeli imovine udruženja, za slučaj njegovog prestanka.

### **Član 15.**

Skupština punovažno odlučuje ako je prisutna najmanje jedna polovina članstva. Skupština odlučuje većinom glasova prisutnih članova.

Za odluku o izmenama i dopunama statuta i dobrovoljnom prestanku rada udruženja neophodna je dvotrećinska većina prisutnih članova.

U slučaju potrebe članovi skupštine mogu glasati i u odsustvu (faksom, e-mailom, telegramom).

## **Upravni odbor**

### **Član 16.**

Upravni odbor je izvršni organ koji se stara o sprovođenju ciljeva Alumni kluba VPTŠ Doboj, koji su utvrđeni ovim statutom i odlukama skupštine.

Upravni odbor ima pet članova, koje bira i opoziva skupština.

Član upravnog odbora ne mora istovremeno biti i član Alumni kluba VPTŠ Doboj.

Direktor VPTŠ Doboj je, po funkciji, član Alumni kluba.

Upravni odbor iz reda svojih članova bira predsjednika i zamjenika predsjednika.

Predsjednik upravnog odbora ima prava i dužnosti finansijskog naredbodavca.

Zamjenik predsjednika upravnog odbora, u slučaju odsustva predsjednika, zamjenjuje predsjednika.

Mandat članova upravnog odbora je četiri godine i mogu se ponovo birati na istu funkciju.

## Član 17.

Upravni odbor ima nadležnost da:

- rukovodi radom Alumni kluba između dvije sjednice skupštine i donosi odluke radi ostvarivanja ciljeva Alumni kluba VPTŠ Doboj;
  - organizuje redovno obavljanje djelatnosti udruženja;
  - povjerava posebne poslove pojedinim članovima;
  - donosi finansijske odluke;
  - odlučuje o pokretanju postupka za izmjene i dopune statuta, sopstvenom inicijativom ili na prijedlog najmanje trećine članova Alumni kluba, i priprema prijedlog izmjena i dopuna koji podnosi skupštini na usvajanje.
  - odlučuje o drugim pitanjima koja nisu u izričitoj nadležnosti skupštine ili drugog organa.
- Upravni odbor punovažno odlučuje ako je prisutno najmanje jedna polovina članova, a odluke donosi većinom glasova prisutnih članova.

## Sukob interesa

### Član 18.

Član upravnog odbora ne može glasati o stvarima u kojima njegovi imovinski interesi, interesi njegovog bračnog druga ili njegovog srodnika do trećeg stepena mogu biti u suprotnosti sa interesima udruženja, niti u stvarima koje se odnose na pravno lice koje je pod kontrolom dotičnog člana, ili u kojem on ima imovinski interes.

Pravni poslovi iz prethodnog stava moraju se zaključiti po tržišnoj vrijednosti, ili pod uslovima koji su najpovoljniji po Alumni klub.

## Sredstva

### Član 19.

Finansijsko i materijalno poslovanje Alumni kluba VPTŠ Doboj obavlja se u skladu sa zakonskim propisima, te se primjenjuju propisi koji se odnose na poslovanje neprofitnih organizacija, a na osnovu finansijskog plana koji skupština Alumni kluba donosi za svaku kalendarsku godinu.

Po završetku godine za koju je donesen finansijski plan sastavlja se završni račun.

Alumni klub VPTŠ Doboj u početku se uglavnom finansira iz budžeta VPTŠ. Prihodi Alumni kluba čine:

- prihodi ostvareni u skladu sa zakonom
- pomoć i donacije pojedinaca i pravnih subjekata za određene programe i projekte
- donacije iz proračuna za naučnu i stručnu djelatnost
- prihodi od imovine i prava
- ostali oblici finansijske i materijalne pomoći u skladu sa zakonom.

Eventualni višak prihoda nad rashodima, kojeg bi ostvario u obavljanju svoje djelatnosti, Alumni klub VPTŠ Doboj može koristiti isključivo za obavljanje i unapređenje djelatnosti kojom se ostvaruju ciljevi utvrđeni Statutom. Odluku o namjeni tih sredstava donosi skupština.

#### **Član 20.**

Sredstvima Alumni kluba upravlja Upravni odbor u skladu sa odlukama, zaključcima i planovima Skupštine.

Skupština je organ koji nadzire zakonito korištenje sredstava udruženja.

#### **Član 21.**

Alumni klub VPTŠ Doboj vodi poslovne knjige, u skladu sa zakonom.

### **Planiranje**

#### **Član 22.**

Pored godišnjeg finansijskog plana Alumni klub može imati i plan namicanja sredstava potrebnih za ostvarivanje statutarne ciljeva.

#### **Član 23.**

Alumni klub VPTŠ Doboj može imati strateški plan koji se donosi za period od najmanje pet godina.

#### **Član 24.**

Planove iz čl. 22. i 23. statuta Alumni kluba donosi upravni odbor.

### **Pečat i znak**

#### **Član 25.**

Alumni klub VPTŠ Doboj ima svoj pečat i štambilj.

Pečat Alumni kluba VPTŠ Doboj je okruglog oblika prečnika 30 milimetara na kojem piše:

„Visoka poslovno tehnička škola“, na ćirilici i na latinici (vanjski krug), a u sredini piše:

„Alumni klub VPTŠ Doboj“.

Štambilj Alumni kluba je pravougaonog oblika i sadrži naziv Alumni klub, oznaku za djelovodni broj i oznaku za datum.

#### **Član 26.**

Alumni klub VPTŠ Doboj ima svoj znak.

Odlukom skupštine utvrđuje se izgled i sadržina znaka.

## **Zastupanje i predstavljanje**

### **Član 27.**

Predsjednik upravnog odbora zastupa Alumni klub VPTŠ Doboj u pravnom prometu s trećim licima i predstavlja Alumni klub u javnosti.

## **Izveštavanje i javnost rada**

### **Član 28.**

Upravni odbor se stara o redovnom obavještanju članstva i javnosti o radu i aktivnostima Alumni klub VPTŠ Doboj, neposredno ili putem internih publikacija, putem saopštenja za javnost ili na drugi pogodan način.

## **Saradnja**

### **Član 29.**

Radi ostvarenja svojih ciljeva, Alumni klub uspostavlja kontakte i saraduje sa drugim stručnim, naučnim, obrazovnim i sličnim udruženjima i organizacijama u zemlji i inostranstvu. Alumni klub VPTŠ Doboj može pristupiti drugim domaćim, stranim ili međunarodnim udruženjima ili asocijacijama udruženja, koja obavljaju istu ili sličnu statutarnu djelatnost, o čemu odluku donosi skupština.

### **Član 30.**

Alumni klub VPTŠ Doboj može, zajedno sa drugim domaćim, stranim ili međunarodnim udruženjem ili kakvim sličnim organizacionim oblikom zajednički obavljati statutarnu aktivnost putem zajedničkog projekta ili na drugi pogodan način. Odluku o saradnji iz prethodnog stava donosi Upravni odbor, osim ako ovakva saradnja nije već predviđena strateškim ili godišnjim planom, odnosno drugim aktom udruženja.

## **Spajanje, razdvajanje i transformacija**

### **Član 31.**

Alumni klub VPTŠ Doboj se može pripojiti drugom udruženju ili fondaciji. Drugo udruženje se može pripojiti Alumni klubu VPTŠ Doboj. Odluku o pripajanju ili transformaciji Alumni kluba VPTŠ Doboj iz ovog člana donosi skupština dvotrećinskom većinom članova, na prijedlog upravnog odbora.

## **Prestanak rada**

### **Član 32.**

Alumni klub VPTŠ Doboj prestaje sa radom u slučajevima utvrđenim Zakonom o udruženjima i fondacijama, ili na osnovu odluke Skupštine Alumni kluba.



Istovremeno s donošenjem odluke o prestanku rada Alumni kluba VPTŠ Doboj Skupština će odlučiti o predaji imovine odgovarajućem udruženju koje nastavlja s ostvarivanjem istih ciljeva i djelatnosti ili će biti osnovano novo udruženje. Imovina će se prenijeti na VPTŠ Doboj ako se ne formira novo udruženje.

### **Opšti akti**

#### **Član 33.**

Alumni klub VPTŠ Doboj može imati i druge opšte akte koje donosi Upravni odbor.

### **Izmjene i dopune statuta**

#### **Član 34.**

Upravni odbor ili najmanje trećina članova Alumni kluba VPTŠ Doboj može pokrenuti postupak za izmjene i dopune statuta.

Prijedlog izmjena i dopuna statuta utvrđuje Upravni odbor, najmanje deset dana prije održavanja skupštine na kojoj statut treba biti usvajan.

Izmjene i dopune statuta usvaja skupština dvotrećinskom većinom prisutnih članova.

### **Prelazne i završne odredbe**

#### **Član 35.**

Sa sadržinom ovog statuta upoznati su osnivači na osnivačkoj skupštini kada su ga i usvojili.

Statut stupa na snagu danom usvajanja, primjenjuje se od momenta isticanja na oglasnoj tabli Alumni kluba VPTŠ Doboj u sjedištu Alumni kluba.

U Doboju,

Datum: 30.12.2016. godine.

Predsjedavajući Osnivačke skupštine

---

Dragan Bilić